

Romana Ecclesia alienati vos omnes. Tunc illi quasi ex una voce cœperunt clamare, & dicere; ordinetur, ordinetur. Conscripserunt celeriter Decretum, & per impositionem manus recepit Spiritum Sanctum, ordinatusque est in Pontificem, & cum gloria ad Ravennam Sedem reversus est. Ex illo jam die cœperunt eum omnes venerari, quasi Angelum Dei.

CAPUT TERTIUM.

Ædes Petro curante constructa. Ejusdem cum Projecto Corneliense Synchronologia. S. Barbatiani funus.

Ædiscavit hic Beatissimus Fontem in Civitate Classis juxta Ecclesiam, quæ vocatur Petriana, quam Petrus Antistes fundavit. Qui Fons miræ magnitudinis duplicibus muris, & altis mœnibus itructus arithmeticæ artis. Iterumque fundavit domum infra Episcopium. Ravennæ Sedis, quæ dicitur Tricoli, eo quod tria cola contineat; quæ (1) ædificia nimis ingeniosa inferius structa est. Fecitque non longè ab eadem domo Monasterium S. Andreae Apostoli; suaque effigies super valvas ejusdem Monasterii est inferius tessellis depicta. Foris verò parietes proconnis marmoribus decoravit, & in ingressu januæ extrinsecus super liminare versus metricos continentes ita (2)

*Aur lux hic nata est, aut capta hic libera regnat.
Lux est ante venit Cæli decus unde modernum,
Aut privata diem pepererunt rædâ nitentem,
Inclusumve subar secliso fulget Olympo.
Marmora cum radiis vernantia cerne serenis,
Cunctaque sereno (3) percussa in murice saxa.
Auctoris pretio splendet sicut munera Petri.
Huic honor huic meritum tribuit sic comere parvas;
Ut valeant spatium amplum superare coactis.
Nil modicum Christo est. Arctas bene possidet
ædes,*

*Cujus in humano consistunt pectore templa.
Fundamen Petrus, Petrus fundator, & Aula.
Quod Domus hoc Dominus, quod factum Factor,
& idem*

*Moribus atque opere. Christus possessor habetur,
Qui duo consocians mediator reddit, & unum.
Huc veniens fundat parituros gaudia fetus,
Contritam solidans percusso in pectore mentem.
Ne jaceat, se sternat humi, morbosque latentes
Ante pedes Medici cura properante recludat;
Sæpe metus mortis, vitæ sit causa beata.*

Multa condidit volumina, & valde sapientissimus fuit. Iste unâ cum Projecto à Beato Cornelio Imolenfis Ecclesiæ unâ horâ in Diaconos ambo consecrati sunt. Post verò Divina providentiâ ambo folium Episcopale tenuerunt. Petrus Ravennæ Ecclesiæ; Projectus servatus est Imolenfis. Postquam hic Pontifex ordinatus est, postmodum ab ipso, iste alter Episcopus Ecclesiæ Corneliensis (4) consecratus est, temporibus Gallæ Placidie Augustæ, sicut scriptum reperimus. Corpus B. Barbatiani idem Petrus Chrysologus cum prædicta Augusta aromatibus considerunt, & cum magno honore sepelierunt non longè ad Posterulam Ovilionis; consecravique Ecclesiam S. Johannis Baptiste, quam Baduarius ædificavit.

(1) idest Ædes. Bacch.
(2) videlicet. Mur.
(3) sive eo. Mur.
(4) in Ecclesia Corneliense. Mur.

CAPUT QUARTUM.

*Petrus mortem suam prævidet, prædicatque.
Forum Corneliæ pergit, ibique decedit.
Locus Sepulchri.*

Cognovit autem post hæc hic Beatissimus Petrus per spiritum finem vitæ suæ. Ivit ad Corneliensem Ecclesiam, & ingressus infra Basilicam B. Cassiani obtulit munera, idest craterem aureum unum, & pateram argenteam alteram, & diademata aurea magna pretiosissimis gemmis ornata. Hæc omnia à S. Cassiani Corpore imbuit, positaque super Aram ipsius Ecclesiæ, & stans super crepidinem juxta Altare expansis manibus, benedixit cunctam Plebem, Sacerdotes, & Populos, ac oravit dicens; tu dedisti Domine Deus animam in corpore isto; tu iterum misericors suscipe eam, quia tua sum Creatura. Non occurat mihi iniquissimus Diabolus, sed Angelus tuus Sanctus suscipiat eam, & collocare jubeas in sinibus Patriarcharum, ubi lux permanet, & gaudium immensum est. Et nunc Domine te confiteor labiis, (5) corde; tu qui cuncta patraisti ex nihilo, qui solus nosti prisca, præsentia, & futura; da Populo huic cor docibile, ut timeant te, & agnoscant, quia tu es Deus in Cælo sursum, & in terra deorsum, qui per Sanctum Filium tuum totius generis humani salutem recuperasti, in quem credimus Deum, & Dominum Angelorum, qui es benedictus in secula seculorum. Mitte illis Domine Deus verum Pastorem, qui tuas congreget oves, non disperdendo, sed ad caulas Ecclesiæ congregando. Non fopiat ut mercenarius, non sit ut alienæ ovis custos, sed verus Pastor, qui oves cum agnis commissas, immaculatas tuo aspectui repræsentet; ne ille ferox immanissimus Lupus, qui prædam rapere quærit à te, Pastoris corda excita, rapida voluptas depellatur, vellera Fidelium ovium non diripiat, ne Sancta Ecclesia vocis balatibus gemat. Tu bonum Pastorem (6) tribue huic Populo: mitte Pastorem non percussorem, sed nutritorem, non ut allidat, sed defendat, non spernentem, sed revocantem, non raptorem, sed largitorem, non ut (7) sed comescat, non cupidum, sed tributorem, non elatum, sed humilem, non sævum, sed blandum. Custodi eos, Populus tuus est, & oves manuum tuarum, qui es benedictus in secula. Ad lugentem Populum ait; Filii carissimi audite me. Ego vado, & ingredior viam universæ terræ, ubi constituta est Domus omnis viventis. Nunc Filii confortamini, & estote Viri prudentes. Dabit vobis Dominus Deus Pastorem, & Rectorem sicut scriptum est; non repellat Dominus plebem suam in finem, & hæreditatem suam non derelinquet. Ipsum audite. Ille docebit vos. Ille vos per amœna pascua ducet, ille sui verbi pabulo vos reficiet; ipsum audite, non conturbemini. Et vos viscera mea non contra eum in timore cordis elevetis, non cum tumultu, & jurgio Pastorem eligatis; non Patrem hujus Patriæ pro pecunia hanc obtineat sedem; sed hoc (8) diligite, quem Dominus elegerit. Estote perfecti Filii; ab omni hæresi servate vos. Cavete ab Ariano dogmate. Sanctam, & incontaminatam

(5) & Mur.
(6) bonus Pastor. Mur.
(7) laceret. Mur.
(8) hunc. Mur.